



Cunter memia blera birocrazia: Reto Gurtner.



El segna per in svilup cultural: Giovanni Netzer.



Maina ina buna scola auta: Jürg Kessler.

FOTOS G. N. STGIER



La hotellaria era representada entras Jürg Domenig (a san.) ed Ernst Wyrtsch.



Per singulas regulaziuns: Eveline Widmer-Schlumpf.



Denise Diller, Viamala Turissem, e Philipp Bühler, mainaproject Grischun Viva.

«Empè da birocrazia dapli communicaziun»

Marca «Grischun»: Dieta a Flem

DA GION NUTEGN STGIER / ANR

■ Als Grischuns manca savens la confidenza en sasezs e cunzunt en lur products. La birocrazia na porta nagina valurisaziun. Il telefonin haja per in pau dapli valur che mintga bursa. Lamentim na meglierescha er betg la situazion turistica. Tema central da la dieta da la marca «Grischun» da venderdi passà a Flem è stà: «progressiva provinza». Per avair turisticamain ed economica main success dastga ina regiun sco il Grischun senz'auter vegnir progressiva. L'attenziun saja segir pli gronda cun ina reclama pli progressiva, ha ditg *Matthias Horx*, il futurolog. El ha er ditg che las ciads e las cuntradas ruralas vegnian a s'avischinar adina dapli en ils proxims deennis.

Ina natura intacta

Oz saja già uschia ch'en las ciads ins n'enconuschia naginas stagiuns. Trends sajan bain fenomens dal temp actual, la realitat saja che nossa societat tschertgia adina dapli regiuns champestras, lieus cun ina natura intacta e cuntradas purilas. Horx è persvas ch'adina dapli persunas midan da la citad en regiuns cun ina buona qualitat da viver. Tari quella tutgan er ina buna scola fundamentala, l'acceptanza da mintga nov abitant, l'integrazion da tuts e lura er creativitat ed innovaziun. Il Grischun, quel haja uschè bleras regiuns cun in'atgna singularitat e gisst quella saja da trair a nez. Projects curaschus, cooperaziuns sur las vischancas e visiuns localas, tut quai dastga er na man-

car tar ina provinza progressiva. Ultra da quai saja in nuncosmopolitissim indispendabel per avair in bun avegnir, ha menziunà il futurolog.

Chapir ils clients

A la discussiun al podium èn sa participads *Reto Gurtner*, turisticher cun corp ed olma, *Jürg Kessler*, il rector da la HTW, *Giovanni Netzer*, l'intendant da l'Origen Festival Cultural e l'anteriura cussegliera federala *Eveline Widmer-Schlumpf*. Manà la discussiun ha *Gieri Spescha*. Gurtner è da l'avis che per esser en l'avegnir pli innovatis saja cunzunt da chapir ils clients e giasts. El sajan quels che decidian noss futur. Il purtader dal Premi Milestone ha er ditg ch'empè da s'occupar cun memia blera birocrazia saja meglier d'investar quel temp en la communicaziun. La realitat saja ch'oz haja mintga telefonin dapli valur che mintga bursa. Ultra da quai na portia la birocrazia nagins giasts ed er nagina persistenza.

Consciencia da sasez

Widmer-Schlumpf, ella ha ditg che senza intiginas regulaziuns sa laschia nagin stadi e chantun guvernar. Ultra da quai hajan nus bain numerus leschas, dentant bunamain tantas excepcions. L'anteriura cussegliera federala è da l'opiniun che sa lamentar na saja segir betg la dretga via, er betg en il turissem, l'economia e la politica. Il Grischun haja numeros stgazis e gisst quels saja da promover. Als Grischuns manca savens la conscientia da sasezes per vegnir in zap enavant. Creativitat saja segir avant maun, per realisar

quella manchia adina puspè il curaschi, ha ditg Widmer-Schlumpf.

Coliar ils raquints cun il lieu

Per avair success sin il champ cultural na saja betg d'inventar da nov la cultura, ha menziunà Netzer. Da sa dumandar saja, tge vulain nus raquintar. Be l'atgna fermezza tanschia betg, na, i dovrà cunzunt er la singularitat, l'individualitat e l'originalitat dal lieu per far in'istorgia londeror. Naturalmain saja er d'avair la libertad per inventar novas istorgias, las finanzas e lura er la dretga relaziun tar in lieu. Il success da ses festival saja segir la singularitat da mintga producziun, ils lieus nua che quellas vegnian preschentadas e lura er il public fidaivel, ha punctuà Netzer. In bun exempla sajan bain stads ils davos traïs concerts da l'emna passada en la tur cotschna sisum il Güglia la damaun a las 07.00 e tuts cun in grond public.

Dus terzs restan en il Grischun

Da grond'importanza en la scolaziun e furmaziun saja da scuvrir temas relevantes per il futur, ha menziunà Kessler, il rector da la HTW. Gist tar la perscrutaziun saja da gronda muntada da dar quels temas enavant. Er a la temuta envers la responsabladad umana, er a quella saja da dar en l'avegnir dapli attenziun, ha menziunà Kessler. El ha ditg ch'er la HTW stoppià e dastgà esser innovativa per star en concurrensia. 83% dals students da la scola auta na derivan betg dal Grischun, ha il rector ditg. Dals 17% students grischuns restan tuttina dus terzs en il Grischun suenter il studi.



Francisca Obrecht, la presidenta dal cussegli marca «Grischun», e l'architect Valentin Bearth.